

CONVENIO DE COLABORACIÓN ENTRE A EXCMA. DEPUTACIÓN PROVINCIAL DA CORUÑA E O CONCELLO DE A CAPELA PARA A ATENCIÓN DE VISITANTES E OUTRAS ACTIVIDADES CULTURAS NO MOSTEIRO DE CAAVEIRO

Na Coruña, a 31 de marzo de 2023

Número 25 /2023

Ante mín, Dna. Amparo Taboada Gil, Secretaria Xeral da Deputación Provincial da Coruña, como fedataria actuante

REUNIDOS

Dunha parte Don Valentín González Formoso, Presidente da Deputación Provincial da Coruña, e

Doutra Don Manuel Meizoso López, Alcalde Presidente do Concello da Capela

Os comparecentes interveñen en uso das potestades que, por razón dos seus cargos, estalles atribuídas

EXPOÑEN

1.- A Deputación provincial da Coruña realizou numerosas actuacións encamiñadas á protección, conservación , rehabilitación , musealización e posta en valor do Mosteiro de Caaveiro.

2.- O Concello da Capela leva colaborando coa Deputación provincial da Coruña na xestión do Mosteiro de Caaveiro, un modelo novo de xestión do patrimonio cultural, no cal se interrelacionan os aspectos puramente materiais, como os edificios e as montaxes expositivas, todo iso sen perxuízo do exercicio das súas competencias sobre protección e conservación do mesmo, que corresponde á Deputación como titular do mesmo.

O obxectivo último foi facer do espectador un actor activo e facer mais cercano o patrimonio á xente.

3.- Que, coa finalidade de establecer as condicións de cooperación necesarias, para a posta en valor deste conxunto arquitectónico a Deputación Provincial da Coruña e o Concello da Capela acordan subscribir o presente convenio, segundo as seguintes

CLÁUSULAS

PRIMEIRA: OBXECTO

O presente convenio ten por obxecto establecer as relacións de colaboración entre a Excm. Deputación provincial da Coruña e o Concello da CAPELA, CIF: P1501800E por medio do cal a Deputación provincial da Coruña encomenda ao Concello da Capela , os servizos de atención de visitantes e outras actividades culturais no Mosteiro de Caaveiro no ano 2023.

SEGUNDA: OBRIGAS DO CONCELLO DE A CAPELA.

O concello de A Capela fará constar en todas as actividades, programas, folletos e carteis, etc., o financiamento da Deputación Provincial da Coruña.

ATENCIÓN DE VISITANTES

Organización e supervisión dun servizo cualificado de atención a visitantes durante o ano 2023 que permita, dun xeito controlado, converter o Mosteiro de Caaveiro e o seu entorno natural nun enclave turístico nacional, aumentando o número de visitantes e a cantidade e calidade da información que se lles transmite aos mesmos.

EVENTOS DE PROMOCIÓN E DIVULGACIÓN SOCIO-CULTURAL DO MOSTEIRO

Realización de alomenos 2 eventos de promoción e divulgación do mosteiro de Caaveiro ao longo do ano, enfocados para levar a cabo preferiblemente nas tempadas de primaveira e verán, por ser de maior afluencia de visitantes foráneos.

Ademais destes 2 eventos, organizaranse os seguintes:

- **VIII TRAIL MOSTEIRO DE CAAVEIRO**

Organización da oitava edición desta competición deportiva con percorrido por diversos puntos do Concello incluíndo sendeiros das Fragas do Eume, e con punto de paso polo Mosteiro de Caaveiro.

Para a contratación deste evento terase en conta a especial protección patrimonial coa que conta o Mosteiro e a súa contorna para asegurar o seu coidado e conservación, debendo a empresa contratada demostrar a suficiente solvencia técnica e experiencia na organización de eventos en enclaves catalogados como Ben de Interese Cultural e en espazos catalogados como Parque Natural.

▪ **VIII CONCURSO DE FOTOGRAFÍA, DEBUXO E/OU ILUSTRACIÓN**

Fixando como temática as Fragas do Eume e o Mosteiro de Caaveiro, o concurso ademais da vertente claramente divulgativa, servirá para dotar a Concello e Deputación dun fondo gráfico para poder ser empregado en multitude de soportes e formatos.

As bases do concurso/s serán presentadas previamente á Deputación de A Coruña.

TERCEIRA: ATENCIÓN DO PERSOAL E HORARIO

Os servizos de atención a visitantes e demais actividades deberán prestarse por profesional cualificado, ben con persoal propio do concello ou ben cos correspondentes contratos que realice ao amparo do establecido na Lei 9/2017, de 8 de novembro, de Contratos do Sector Público. En ningún caso o persoal que adscriba o concello ao obxecto do contrato baixo calquera modalidade laboral ou administrativa, suporá creación de relación laboral algunha coa Excma. Deputación provincial da Coruña.

O calendario previsto de atención será o seguinte:

Xestión e atención de visitantes:

- **SEMANA SANTA:** período comprendido entre o venres anterior e o luns posterior á Semana Santa.

Días: tódolos día da semana, incluídos domingos e festivos.

Horario: de 11:00 a 19:00 horas

- **TEMPADA DE PRIMAVERA:** período comprendido entre o martes posterior á Semana Santa e o 30 de xuño, ambos inclusive.

Días: venres, sábados, domingos e festivos.

Horario: de 11:00 a 18:00 h

- **TEMPADA DE VERÁN:** período comprendido entre o 1 de xullo e o 15 de setembro, ambos inclusive.

Días: tódolos días da semana, incluso domingos e festivos.

Horario: de 10:30 a 14:00, e de 16:00 a 20:00 h

- TEMPADA OUTONO-INVERNO: período comprendido entre o 16 de setembro e a Semana Santa.

Días: Venres, sábados, domingos e festivos.

Horario: de 11:00 a 19:00 h

CUARTA: OBRIGACIÓNS DA DEPUTACIÓN PROVINCIAL DA CORUÑA

1.- A Deputación provincial da Coruña abonará ao Concello de A Capela, o importe correspondente ao 100% dos gastos non cubertos por ingresos da actividade, ata un máximo de 70.000 euros, durante a anualidade 2023, do 1 de xaneiro de 2023 ao 31 de decembro de 2023 con cargo á aplicación orzamentaria 0112/3361/22609, condicionado á existencia de crédito adecuado e suficiente no exercicio presupuestario correspondente.

2.- No caso de que os gastos xustificadas non cubertos con ingresos da actividade foran superiores, a achega provincial non superará en ningún caso a cantidade indicada na cláusula 4ª do convenio.

3.- Aboarase de conformidade co disposto na cláusula 5ª do texto do convenio.

QUINTA: FORMA DE PAGO

A Deputación Provincial abonará ao Concello de A Capela a achega correspondente a cada anualidade da seguinte maneira:

- Efectuaranse pagos trimestrais , polo importe correspondente ao 100% dos gastos non cubertos por ingresos da actividade, correspondentes ao citado trimestre e correspondentes a períodos vencidos. En consecuencia non se efectuará ningún pago por anticipado.
- Requirirán a presentación de certificación de gastos e ingresos durante o devandito trimestre, expedida polo Sr. Secretario co Vº e pr. do Alcalde-Presidente do Concello de A Capela.
- Acompañarase ademais memoria onde se indicarán as actividades realizadas, persoal adscrito aos servizos e informe estatístico de visitantes.
- Cada pago requirirá informes favorables dos Servizos de Patrimonio e Contratación e de Fiscalización.
- Para a cobranza de cada unha das achegas provinciais, o Concello da Capela deberá presentar certificación de estar ao corrente das obrigacións tributarias e de seguridade social.

- Así mesmo deberá estar ao corrente das súas obrigacións fiscais coa Deputación provincial da Coruña, situación de que se determinará de oficio a través do Servizo Provincial de Recadación.
- O Concello deberá presentar certificación dos ingresos producidos por achegas de entidades públicas ou privadas, se os houberse.
- O importe da achega da Deputación provincial da Coruña, en concorrencia con outros ingresos non poderá superar o importe total dos gastos realizados.

SEXTA: SUPERVISIÓN POLA DEPUTACIÓN

Sen prexuízo das facultades de vixilancia e inspección que corresponden á Presidencia da Deputación Provincial, o Servizo de Patrimonio e Contratación por si ou a través doutros Servizos Técnicos da Deputación, poderá inspeccionar en calquera momento o estado do inmovible e bens adscritos, e o cumprimento dos fins do presente convenio.

As actividades que desenvolva o Concello no Edificio do Mosteiro de Caaveiro non poderán superar o aforamento de 25 persoas no interior do mesmo, e en todo caso, as actividades deberán ser compatibles coa finalidade e adecuado uso deste ben cultural, para o que se deberán adoptar todas as medidas necesarias para a súa total protección e perfecta conservación. Para estes efectos o Concello solicitará da Deputación, cunha antelación polo menos de 15 días, autorización para a realización de cada unha das actividades especificando as datas, horarios e acompañada dunha memoria xustificativa

A Deputación da Coruña e o Concello de A Capela traballarán durante o período de vixencia deste convenio para crear unha Comisión político-técnica integrada por persoal político e técnico destes dous entes, Comisión que velará pola correcta adecuación das actividades obxecto deste convenio no marco de preservación do ben patrimonial e noutras cuestións que teñan que ver co bo estado de mantemento e conservación do mesmo

SÉTIMA: UTILIZACIÓN POLA DEPUTACIÓN

O inmovible seguirá sendo propiedade da Excm. Deputación provincial da Coruña e en consecuencia poderá realizar no mesmo as actividades que estime oportunas.

OITAVA: VIXENCIA

1. O prazo de vixencia do presente convenio **finalizará o 31 de marzo de 2024** e terá efectos retroactivos, polo que as actividades contempladas nel poderán terse realizado **dende o 1 de xaneiro de 2023**.

Esta vixencia queda subordinada á existencia do crédito adecuado e suficiente que para o Exercicio 2024, autorice o correspondente Orzamento.

2. Unha vez rematadas as actividades, o concello de A Capela deberá presentar a **xustificación documental** á que se refire a cláusula QUINTA, **un mes antes do vencemento do período de vixencia** do convenio.

NOVENA: NATUREZA XURÍDICA

O presente convenio ten carácter administrativo quedando as partes suxeitas á xurisdición dos tribunais contencioso-administrativos para resolver os conflitos que puidesen xurdir na súa aplicación. En todo caso aplicarase de maneira supletoria a Lei 38/2003, Xeral de Subvencións.

DÉCIMA: CAUSAS DE RESOLUCIÓN

Serán causas de resolución do presente convenio:

- O incumprimento das cláusulas do convenio.
- A aplicación dos fondos percibidos a fins distintos aos que deron lugar á súa concesión.
- A falta de xustificación das cantidades na forma establecida no convenio.

Faise constar que o presente convenio foi aprobado por Resolución de Presidencia de número 10512 de 17 de marzo de 2023, modificada por resolución número 13348 de data 31 de marzo de 2023.

E en proba de conformidade, ambas as partes asinan o presente Convenio por duplicado exemplar no lugar e data indicados no encabezamento.

**O PRESIDENTE DA DEPUTACIÓN PROVINCIAL DA
CORUÑA**

**O ALCALDE PRESIDENTE DO CONCELLO DE A
CAPELA**

Asdo.: Valentín González Formoso

Asdo.: Manuel Meizoso López

**A SECRETARIA XERAL
DA DEPUTACIÓN PROVINCIAL DA CORUÑA**

Asdo.: Amparo Taboada Gil